

TEZAUUR LITURGIC
8 NOIEMBRIE

ACATISTUL
SOBORULUI
TUTUROR
PUTERILOR
CEREȘTI
I



MOSCOVA, 2000



Акафист Безплотным силам

Кондак 1

Святии Безплотнии силы, у Престола Вседержителя предстоящи и непрестанно трисвятую песнь Ему вопиющи, достойно ублажим и восхвалим вас, скорых молитвенников и заступников наших во всяких нуждах и печалях, и с благодарением вопием вам сице:

Радуйтесь, вси святии Безплотнии силы.

Икос 1

Святии Серафимы, Херувимы, Престолы и Власти, Господствия, Силы и Начала, Архангелы и Ангелы, любовью ко Господу и Творцу непрестанно горящи, и всем нам спастися хотящи, сего ради мы вам, грешнии, воспевати дерзаем:

Радуйтесь, преславные Серафимы и Херувимы.

Радуйтесь, победоносные Престолы, Господствия и Силы.

Радуйтесь, богомудрые Власти и Начала.

Радуйтесь, пресветлые Архангелы и Ангелы сущии от начала.

Радуйтесь, слуги Божии непоколебимии.
Радуйтесь, Владыки Христа други вернии.
Радуйтесь, святии посланницы Божии.
Радуйся, и ты, святой Ангеле-Хранителю мой.
Радуйтесь, вси святии Безплотнии силы.

Кондак 2

"Станем добре, станем со страхом Божиим!" -
возгласил еси, Архистратиже Михаиле, увлекая
за собою воинство Небесное противу падшаго
Денницы и сокрушил еси гордаго, сего ради
вопием Богу: Аллилуиа.

Икос 2

Добрый и бесстрашный Воеводо воинства
Небеснаго, Архангеле Михаиле, се бо
непоколебимо предстоиши пред Престолом Царя
царей горя любовью ко Господу и помогаеши
нам низлагати всякое малодушие и гордость,
сего ради вопием ти сице:

Радуйся, о силе Божией громогласно
возвещающий.

Радуйся, от страхований вражиих
избавляющий.

Радуйся, мечом ревности по Богу на дьявола,
яко льва рыкающего, вооружающий.

Радуйся, сатану страхом яко громом
поражающий.

Радуйся злословящим Имя Господне и рабов Божиих грозное отмщение.

Радуйся, мучеников и исповедников Христовых утверждение.

Радуйся, изгнанных правды ради благословение.

Радуйся, Архистратиге Михаиле, наше умиление.

Радуйтесь, вси святии Безплотнии силы.

Кондак 3

Шестокрилатые Серафимы, яко звезды лучезарные пламенем любви к Создателю неустанно горящи, попалите наши страсти, да вопием Богу: Аллилуиа.

Икос 3

Иже Серафимы, скверны греховные наши еще издалеча пожигающи и любовь к Богу сердца исполняющи, сего ради вопием вам сице:

Радуйтесь, от жестосердия избавляющи.

Радуйтесь, любовь и милосердие источающи.

Радуйтесь, всепрощением Божиим кающихся грешников укрепляющи.

Радуйтесь, духовные раны их исцеляющи.

Радуйтесь, яко стражи в пламенных доспехах любви Божией на тверди Небесной незыблимо пребывающи.

Радуйтесь, о мире и благоденствии на земле
Бога молящие.

Радуйтесь, шестокрылатые Серафимы.

Радуйтесь, сокрушители адской силы.

Радуйтесь, вси святии Безплотнии силы.

Кондак 4

Многоочитые Херувимы, силы и мудрости
Божией исполненные, научите нас истинному
покаянию, да вопием Богу: Аллилуиа.

Икос 4

Иже Херувимы, тайнам Пресвятой Троицы
служащие и богопознанию нас научающие, сего
ради вопием вам сице:

Радуйтесь, лжемудрования яко грозными
секирами правдой Божией отсекающие.

Радуйтесь, смиренномудрие насаждающие.

Радуйтесь, премудрости Божией научающие.

Радуйтесь, душевные очи незримо хранящие.

Радуйтесь, яко Небесные колесницы к
познанию Бога возносящие.

Радуйтесь, "Свят, Свят, Свят Господь Саваоф"
немолчно вопиющие.

Радуйтесь, многоочитые Херувимы.

Радуйтесь, усмирители всякой гордыни.

Радуйтесь, вси святии Безплотнии силы.

Кондак 5

Огненные Престолы, непостижимо Самого Бога носящие и раболепно Ему служащие, утвердите нас во исповедании святой веры православной, да вопием Богу: Аллилуиа.

Икос 5

Иже Престолы, Небесные Умы, велие дерзновение ко Господу Вседержителю имущии и правосудию Его вершиться помогающии, сего ради вопием вам сице:

Радуйтесь, от лености и нерадения охраняющии.

Радуйтесь, лукавство истребляющии.

Радуйтесь, спасительному страху Божию научающии.

Радуйтесь, твердою божественною ревностию яко грозным всеоружием пылающии.

Радуйтесь, яко огненные столпы для судов Божиих поставленные.

Радуйтесь, всеми верными прославляемые.

Радуйтесь, могущественные Престолы.

Радуйтесь, победители всякой злобы.

Радуйтесь, вси святии Безплотнии силы.

Кондак 6

"Радуйся Благодатная, Господь с Тобою!" - благовествовал еси, Архангеле Гаврииле,

Владычице Богородице тайну воплощения Сына Божия, сего ради вопием Богу: Аллилуиа.

Икос 6

Сокровенные тайны Божии, Архангеле Гаврииле, человеческому роду открываеши и сердца наши святым смирением и веселием духовным исполняеши, сего ради вопием ти сице:

Радуйся, в смирение яко в панцырь облакающий.

Радуйся, к благородству духовному причащающий.

Радуйся, в небесные своды путем смирения восходить указующий.

Радуйся, роду людскому благовестием о воплощении Бога-Слова к Приснодеве Марии послуживший.

Радуйся, к созерцанию Нетварнаго света привлечение.

Радуйся, апостолов Христовых укрепление.

Радуйся, миротворцев благословение.

Радуйся, Архангеле Гаврииле, наше умиление.

Радуйтеся, вси святии Безплотнии силы.

Кондак 7

От Бога, для явления Его любви и милосердия к людем послан был еси, Архангеле Рафаиле, к

Товии, да исцелиши отца его Товита и Сарру от недугов телесных и душевных, сего ради вопием Пресвятой Животворящей Троице: Аллилуиа.

Икос 7

Архангеле Рафаиле, от болезней душевных и телесных нас исцеляеши и ожесточенные сердца милосердием исправляеши, сего ради вопием ти сице:

Радуйся, благочестивых браков устроитель чудный.

Радуйся, исцеление от болезней и недугов дарующий.

Радуйся, делам милосердия помогающий.

Радуйся, яко пламенным щитом от самолюбия и сладострастия ограждающий.

Радуйся, воздержанию научающий.

Радуйся, безмездников Христовых радование.

Радуйся, милостивых благословение.

Радуйся, Архангеле Рафаиле, наше умиление.

Радуйтеся, вси святии Безплотнии силы.

Кондак 8

"Какой сосуд вместит в себя путь Всевышняго?" - тако, Архангеле Урииле, вразумляя еси Ездру, да познает премудрость Божию, сего ради вопием Богу: Аллилуиа.

Икос 8

Светом Божиим, Архангеле Урииле, от тьмы ересей нас просвещаеши и познанию истины во Христе, Господе нашем, научаеши, сего ради вопием ти сице:

Радуйся, всякое лукавство якоже из лука стрелами света истины и правды Божией поражающий.

Радуйся, верных в житии честном и целомудренном созидающий.

Радуйся, всякий блуд телесный и духовный яко молнией истребляющий.

Радуйся, победу над неверием дарующий.

Радуйся, в истинном православии утверждение.

Радуйся, святителей Христовых умудрение.

Радуйся, чистых сердцем благословение.

Радуйся, Архангеле Урииле, наше умиление.

Радуйтеся, вси святии Безплотнии силы.

Кондак 9

Богом к погибающим от зноя в пустыне безводней Агари и отроку послан был еси, Архангеле Селафииле, да к колодезю путь им покажеш и спасеши от лютой смерти, сего ради вопием Богу: Аллилуиа.

Икос 9

Чистой молитве к Богу, Архангеле Селафииле, нас научаеши и ближнего по заповеди Господней прощати призываеши, сего ради вопием ти сице:

Радуйся, в латы кротости сопровит князя тьмы облакающий.

Радуйся, страстный огонь памятозлобия угашающий.

Радуйся, образ Божий в ближнем показующий.

Радуйся, к состраданию, долготерпению и прощению тем преклоняющий.

Радуйся, покров от браней и упокоение.

Радуйся, преподобных Христовых утешение.

Радуйся, кротцых благословение.

Радуйся, Архангеле Селафииле, наше умиление.

Радуйтеся, вси святии Безплотнии силы.

Кондак 10

Рече Господь Саваоф, рабу Своему Моисею: "Имя Мое на нем" - тако ты Архангеле Иегудииле, сугубо от Него прославлен еси, сего ради величаем тя и почитаем служение твое народу Израильскому, яко шествовал пред ним для покорения земли Ханаанской и вопием Богу: Аллилуиа.

Икос 10

Неутомимый ревнителю славы Божией, Архангеле Иегудииле, от страсти уныния и лености избавляеши и праведно славити Господа Иисуса Христа научаеши, сего ради вопием ти сице:

Радуйся, яко звезда утренняя, от тьмы уныния просвещающий.

Радуйся, маловерие и безволие от рабов Божиих яко острым копием прободающий и отгоняющий.

Радуйся, тобою, в мужественное трезвение облакаемся.

Радуйся, тобою, от лукавых внушений и прелести духовной очищаемся.

Радуйся, от духов злобы поднебесных охранитель славный.

Радуйся, праведных защититель сильный.

Радуйся, алчущих и жаждущих правды благословение.

Радуйся, Архангеле Иегудииле, наше умиление.

Радуйтеся, вси святии Безплотнии силы.

Кондак 11

Благословение от Бога, Архангеле Варахииле, всем верным на всякое дело благое посылаеши,

да научимся делам богоугодным и вопием Богу:
Аллилуиа.

Икос 11

Пред Господом Вседержителем, Архангеле
Варахииле, предстоиши и на всех путех
спасения нас защищаеши, сего ради вопием ти
сице:

Радуйся, богопротивнаго златаго тельца
сокрушающий.

Радуйся, в светлую броню нестяжания
облекающий.

Радуйся, за усопших молиться
напоминающий.

Радуйся, всем верным радость духовную
дарующий.

Радуйся, великодушных странноприимцев
покровителю чудный.

Радуйся, о Христа ради юродивых попечителю
дивный.

Радуйся, нищих духом благословение.

Радуйся, Архангеле Варахииле, наше
умиление.

Радуйтеся, вси святии Безплотнии силы.

Кондак 12

"Всевышний на весах взвесил век сей" - тако
умудрял еси, Архангеле Иеремииле, Ездру, да

познает суетность мира сего, и вопиет Богу: Аллилуиа.

Икос 12

К покаянию сердца наши хладные, Архангеле Иеремииле, приклоняеши, - да омоемся, яко дождем покаянными и сокрушенными слезами о содеянных грехах и удалимся от печали по тленному миру сему, сего ради вопием ти сице:

Радуйся, к отверзающему Небеса покаянному и спасительному плачу о грехах, преклоняющий.

Радуйся, от геенны огненной спасающий.

Радуйся, безумие мира сего, палицей ведения промысла Божия сокрушающий.

Радуйся, мудростью духовной разум напояющий.

Радуйся, стезей ко Господу исправление.

Радуйся, пророков Божиих возвышение.

Радуйся, плачущих благословение.

Радуйся, Архангеле Иеремииле, наше умиление.

Радуйтеся, вси святии Безплотнии силы.

Кондак 13

О святое Небесное воинство, просим вас мы, грехми отягченные, да не погибнем в беззакониях наших, но молитесь Господа за нас, да пощадит, и помилует, и спасет нас по

велицей Своей милости, сего ради вопием Ему:
Аллилуиа

Этот Кондак читается трижды, затем Икос 1 и
Кондак 1

Молитва

О, Святии Безплотнии силы: Серафимы, Херувимы, Престолы и Власти, Господствия, Силы и Начала, Архангелы и Ангелы, любовью ко Господу и Творцу непрестанно горящии, и всем нам спастися хотящии, у Престола Вседержителя предстоящии и непрестанно трисвятую песнь Ему вопиющии, ради явления любви Божией и милосердия неизреченнаго к людем посылаимии и благую и всесовершенную волю Его творящии. Воззрите милостивно на нас грешных и не возгнушайтесь сквернами нашими, но умолите Господа Иисуса Христа, да не погибнем в пучине беззаконий наших, но в тихое пристанище спасения приидем. Покройте нас невестественныма крилома вашима от всех враг видимых и невидимых, да сподобимся и мы воспевати Всеблагаго Христа Бога нашего, Ему же подобает слава со Безначальным Его Отцем и Святым Духом во веки веков. Аминь.



**ПОЛНЬІЙ
АКАФИСТНИК
КАНОНИЧЕСКІЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

НОВОЕ
НЕБО